

**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Difficultas IV. Quænam sunt negotia Sæcularia Clericis interdicta per
Canones in laudato Capite innovatos.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

sed non planè extinctam esse. Ex adverso, Lex abrogata non renovatur, sed restauratur, velut mortua erat & exfuscatitur, cum ejus observatione fanciatur. Fortasse, ut omnis dubitationis ansam praecideret Concilium, ubi iussit omnes Canones circa Officia Clericorum observari, adjicit: *Si que ex his in desuetudinem abiisse compererint, ea quamprimum in usum revocari & ab omnibus accurate custodiri studeant, non obstantibus consuetudinibus quibuscumque, ne subditorum neglecta emendationis, ipsi (Ordinarii) condignas Deo vindice pœnas persolvant.* Duxi, fortasse, quia verba hæc, neglecta emendationis pœnas, innunt Concilium loqui de Canonibus non observatis, sed qui tamen aliquatenus vigebant atque obligabant. Alias enim ii, qui non eos observavissent, culpâ vacavissent, nec emendationi obnoxii fuissent; Episcopi autem, qui ab eismodi Clericorum emendatione cessavissent, vindictam Divinam haud meriti fuissent.

DIFFICULTAS II.

An inter Concilia, quorum Canones innovat Tridentinum complectatur Concilia particularia, perinde ac Generalia? Quidnam intelligat per Canones de Cultu, & Canones de retinenda Doctrinâ.

Non deest ratio, cur creditur Concilia Particularia, perinde ac Generalia, comprehendi hic sub verbo *Concilium*: nam, verbum hoc absolutum ac generale est, omnibus Synodis ex æquo conveniens, &, præterea, Synodi Particulares omnia sciverunt, circa vitam & mores Clericorum. Porro, argumentum hoc non ex iis est, in quibus strictè verba accipi debent ob adjunctum odium.

Aliundè, plurimæ rationes suadent, locum hunc restringi debere ad Canones Conciliorum Generalium 1. Concilium hoc, quod Canones Synodorum præcedentium renovavit, Generale est. Porro, Generalia Concilia non nisi Universales Leges faciunt. Nam Synodi Particulares Leges itidem particulares ferunt; ergo Concilium Generale Leges Universales ferre meditatur per hanc innovationem. Sed cùm renovatio Legum non tribuat ipsis autoritatem ampliorem, seu latiorem, eâ, quam habuerant prius, necesse est, ut Concilium Generale noluerit innovare Leges Conciliorum Particularium, cum ipse non potuerint vigere, nisi quoad Provinciam à quâ factæ erant.

2. Difficile non foret in Canonibus Synodorum Particularium, circa vitam & mores Clericorum, antinomias ex locorum diversitate provenientes, reperire; quia v. gr. Vestiæ, qua Clericos decent, in quibusdam locis, eis, in alia regione, possunt non congruere, sive ratione panni, sive ratione formæ, vel coloris. Porro, verisimile non est, Concilium voluisse renovare Leges contraria, earumque observationem, non obstante contrarietate, Ecclesie injungere.

Ad solutionem hujus difficultatis, distinguere oportet inter Concilia Particularia, à Conciliis Generalibus adprobata, vel usu recepta in Universa Ecclesia, qualia sunt pleraque ex iis, quorum Canones corpori Juris inserti sunt, atque alia Concilia Particularia, qua hanc dignitatem adepta non sunt. Cùm priora universalis autoritate polleant, à Concilio Tridentino comprehensa illa fuerunt cum Conciliis, quorum Canones innovat; fecus est de reliquis.

Per *Canones de Cultu*, Concilium intelligit eos, qui de cultu corporis loquuntur, & Clericis munditiam absque luxu, aut nimia curâ, præcipiunt; non verò eos, qui ad Cultum Divinum pertinent.

Per *Canones de retinenda Doctrinâ*, forsitan intellegendi sunt ii, qui Clericis præcipiunt, ut scientiam

ad munerum suorum functionem necessariam excollant, & quorum multi collecti sunt à Gratiano Dist. xxxvi. verbum *retinendâ appositum* videtur, quia sapè fit, ut Clerici promoti ad Ordines, aut Beneficia, tunc negligant scientiam cuius indigebant ad illa adipiscenda; cùm è contra proficere debuissent.

Per *Canones de retinendâ doctrinâ*; possunt quoque intelligi, qui jubent Clericos Sane Doctrinâ adhædere, Patrum suorum Doctrinam retinere.

DIFFICULTAS III.

An his verbis, quibuscumque criminibus, his connexis, Choreis, Lusibus, Concilium annumeraverit choreas, & Lusum, criminibus que Ecclesiasticis Personis interdicta sunt?

Non multum immorabitur circa difficultatem hanc, sanè eam non proposuimus ideo, quod nobis visa sit gravis; sed, quia talis Authoribus famosis visa sit. Eorum opinio orta est ex eo, quod Concilium præceptum vitandi criminis cujuscumque, jungat præcepto abstinendi à Lusu, Cauponâ, Choreis. Junctio hæc eos movit, ut crederent oblectamenta, quatenus Clerici iis operam dant, pro criminibus habita fuisse à Patribus Concilii. Verum si hoc ratiocinium vim aliquam haberet, inde sequeretur, Ecclesiasticis Personis Sæcularium negotiorum gestionem crimen fore; nam Concilium, quod Clericis crimen quodcumque interdixit, eos statim vetat, ne talia negotia suscipiant, & utraque prohibito tam arctè conjuncta est, quam præceptum fugiendi crimen quodcumque & prædictas oblectationes.

Præterea, ut conjunctio significet res conjunctas ejusdem generis esse, necesse est, ut eas inter sit adfinitas: at delictum Clericorum, qui comeduntur, vel Chores aut Lusibus intersunt, adfinitatem non habet cum facinoribus, qua crima vocantur; hoc enim vocabulum inditum est factis quibusdam atrocibus. Porro, oblectationes, quantumvis Ecclesiasticas Personas dedeant; crima dici nequeunt sine exaggeratione. Adiace quod, si Concilium oblectamenta prædicta criminibus annumerare volueret, ubi Clerici iis indulgent, id indicavisset verbum *aliis jungenendo hisce, quibuscumque criminibus*, qua sequuntur *Choreis, Lusibus*. Denique, Cap. 22. Sess. IV. Venatio, Chores, Comestiones, & Lusus interdicuntur Canonis; sed nullum est verbum quod transgressiones circa eas obligationes crima esse significet.

Caterum, multum abest, ut nobis perfusum sit, quin eismodi voluptatibus, tales circumstantia misceri possint, ut crima fiant quoad Ecclesiasticos, & quin harum circumstantiarum ratione, opinio, cui repugnamus, defendi possit; sed nihilominus verum erit, intentionem Concilii non fuisse, ut hæc oblectamenta pro criminibus haberentur, cùm nullam faciat mentionem eismodi circumstantiarum.

DIFFICULTAS IV.

Quanam sint Negotia Secularia Clericis interdicta per Canones in laudato Capite innovatos.

Procul dubio est plures esse Canones, qui Clericos ab exercicio Magistratus arceant, nam i. quidam verant illos studio Legum Civilium operam dare, sine quibus tamen negotia secularia vulgo definiti nequeunt, sive, quia per illas diriguntur, sive, quia necessariae sunt illæ ad intellectum aliarum Legum, quibus illa negotia diriguntur. Caput 10. ne Clerici vel Monachi, disertum est quoad hanc rem. Ibi Honorius III. ad Clericos extenxit prohibitionem incumbendi studio Legum, quam Concilium

Concilium Lateranense tulerat in Monachos, & cuius mentione fit Cap. 3. codem tit. eamque extendit sub eadem pena excommunicationis ipso facto incurrenda.

2. Sunt Canones, qui vetent, ne Clerici postulent in Jure, ne in plateis Secularibus disputerent, nisi pro causis Orphanorum aut viduarum &c. Cap. 1. ne Clerici vel Monachi.

3. Sunt alii Canones, qui nominatum interdicant Ecclesiasticis exercere Officium Judicis. Tale est Cap. 4. ejusd. tit. quod vetat, ne Clerici exerceant Jurisdictionem Principum Secularium, ita, ut fiant eorum Ministri.

His Canonibus adjicere possemus eos, qui non sicut Clericos exercere Officium Notarii: nam Instrumenta, que ab Notariis conficiuntur, sunt materia ordinaria litium, quas Magistratus cognoscunt.

Certum est, praterea, Magistratum non interdic Clericis, nisi quia eos negotiis Secularibus adicat, à quibus PAULUS eos abstinere jussit, dicendo, *nemo militans Deo implicat se negotiis Secularibus*, nam, praterquam quod Caput 4. ne Cler. vel Mon. id expressè dicit, Titulus, sub quo hoc Caput, & alia mox laudata, collocantur, id fatis ostendit.

Certum est, praterea, Concilium Tridentinum, innovando Canones, qui prohibent ne Clerici negotiis Secularibus se immisceant, voluisse restituere eos, qui subjacent TITULO ne Clerici, vel Monachi, quippe qui omnium sint præcipui.

Sed nihilominus constat, administrationem negotiorum Secularium non interdic Clericis, velut rem ex se malam; sed potius tanquam rem, quæ cum illorum professione pugnat, nisi charitas eos ad eam compellat. Nam Cap. 1. ne Cler. vel Mon. non exciperet Actum charitatis, si administratio hæc mala esset ex se ipsa.

2. Nihilominus certum est, Concilium Basileense derogavisse Canonibus, qui Studium Legum Clericis interdicunt, derogavisse, inquam, per Privilegium, quod Clericis in Jure Civili Graduatis indulxit, requiriendi Beneficia ex Gradum suorum vigore; Decretum autem, cui talis facultas cohereret, unum esse ex iis, quæ Gallia exceptit; & licet Concilium Tridentinum Cap. 9. Sess. XXIV. privilegia Graduatorum revocaverit, per abrogationem Gratiarum Expectatiivarum, inter quas nominationes Universitatum comprehendit, hunc tamen morem perseveravisse in Gallia, quippe quæ nullum Tridentini Decretum huic morti contrarium receperit, & quia consuetudo, juxta quam Graduati Beneficia possunt requirere Graduum suorum ratione, plusquam à Seculo invaluerat.

3. Non minus constat, Concilium Cap. 1. Sess. VI. conqueri, quod reperirentur Pastores, qui resternas humanasque Cœlestibus ac Divinis antepontentes, Gregem suum negligebant, ob administrationem negotiorum secularium, illudque, ad tollendum hunc abusum, renovare Canones & penas in non residentes; unde sequitur, secundum Concilium, Pastorem non posse exercere Magistratum, quo avertatur à cura Gregis sui.

4. Denique, certum est, idem Concilium Cap. 1. Sess. XXIII. evidentem Reipublicæ utilitatem numerare inter causas, quæ à residentia Clericos immunes faciant, eamque jungi evidenti utilitati Ecclesia, velut ejusdem momenti; &, proinde, si è bono Publico sit, Ecclesiasticos viros obire Magistratum; non solum simplices Clerici, sed etiam ii, qui alicujus Ecclesiae servitio additi sunt, tale Officium exercere licet poterunt.

His positis, & probatis, difficultatem propositam solvere facile est. Nam, si hinc, evidens sit Magistratum esse ex numero negotiorum Clericis interdictorum, per Canones, quos Concilium Tridentinum innovat, in Capite, quod exposuimus, aliud non minus est manifestum, 1. Quod si existant Officia Secularia Clericis deputata, quæ invigilant conserva-

tioni Juris Ecclesiae, non solum, ipsi possint ejusmodi officia exercere, sed etiam ad illa exercenda obligentur. 2. Si accedit, ut bonum Imperii, vel Religionis requirat, ut alia Officia Laicis deputata exerceantur ab Ecclesiasticis viris, hi possunt, ac debent, illa exerceere; verum si debitores servitii alicujus Ecclesiae talia Officia ambiant, licet minimè compellantur à necessitate boni publici, tunc è numero Pastrorum sunt, qui Officium suum erga Gregem suum deserunt, terram Cœlo, Deoque hominem anteponendo.

DIFFICULTAS V.

Quomodo Intelligenda sunt hec verba. Eadem iisdem penas, vel majoribus, arbitrio Ordinarii imponendis, observentur.

Difficultas hæc in eo sita est, an Concilium pœnas à Canonibus latas renovaverit, ita, ut ex ipso facto incurrantur, cum ea sententia ita latæ sunt, vel delinquentes iis penas obnoxii fiant, cum ferenda sententia sunt; an verò Concilium arbitrio, prudentiæque Episcopi dimiserit impositionem penarum, ita, ut penas Canonibus latas, vel etiam maiores, infligere possit.

Circà hanc difficultatem sic expositam, videtur, Concilium non potuisse velle penas, à Canonibus renovatis latas innovare, sive considerentur in se ipsis; sive ratione modi, quo incurri debent; nam circà utrumque Caput existit contrarietas inter Canones. v. gr. Can. 44. Apost. jubet, ut Clerici, qui foenus exercent, deponantur, nisi se ipsos emendaverint; at Canon. 17. Concili Nicæi sine ulla conditione facit, ut Clerici usurarii deponantur. Ergo Canon hujus Concilii deponit propter prima delicta; Canon verò Apost. deponit solum ob perseverantiam Criminis; itaque cum ambo Canones observari nequeant, necesse est, ut Concilium non intenderit eos renovare quo ad penam. Cap. 1. de usuri depositionem comminatur in Clericos, qui usuram deinceps exercebunt: at Caput 7. ejusd. tit. præcipit solum, ut, si Clerici, qui crimen hoc admittunt, non desierint, suspendantur ab Officio & Beneficio, sed qua ratione fieri possit, ut Clericus monitus deponatur ob primum delictum, & suspendatur ob perseverantiam in delicto? An suspendi potest Clericus jam depositus?

Canones 42. 43. Apostol. ebrietatis confuetudinem solum puniunt in Clericis. Nam 42. vult, ut si Episcopus, Sacerdos, Diaconus, ebrietati indulgent, moniti vel definant, vel deponantur; 43. jubet, ut Subdiaconus, Lector, aut Cantor, qui consimilia faciunt, moniti definant, vel à Communione segregentur. Contra Canon. 41. Concili Agathens. sine ulla distinctione Ordinis, vult, ut omnis Clericus, qui ebrietatis convincetur, tringita dies à Communione separetur. Qui fieri possit, ut hic Canon & Superiorès executionem fortiantur? Fieri-ne potest, ut, juxta Canones Apostol. nullâ penâ puniantur prima Ebrietatis delicta, &, juxta Concilium Agathense, puniantur. Aequum-ne esset puniendo etiam confuetudinem, deponere Episcopum, Presbyterum & Diaconum ex vigore Canonum Apostol. & eosdem Excommunicare juxta Concilium Agath.? Ebrietatis tanta-ne est atocitas, ut duabus magnis penis simul puniri mereatur?

Eadem contrarietas reperitur etiam in Canonibus circa Simoniam; sunt enim, qui deponant Clericos Simoniacos; sunt, qui suspendant solum; sunt, qui excommunicent absque depositione; sunt, qui una deponant atque excommunicent.

Itaque, si Concilium renovare voluisse omnes penas contra Simoniacos, oportaret illud voluisse,

ut